

COMHAR

LEABHAIRCOMHAR | COMHARÓG | COMHARTAIGHDE
PORTRÁIDÍ NA SCRÍBHNEOIRÍ GAEILGE | CLÓ LÉANN NA GAEILGE
LÉITHEOIRÍ NA GAEILGE

47 SRÁID HARRINGTON, BAILE ÁTHA CLIATH 8

Guthán: +353 - 1 - 6751922

Ríomhphost: oifig@comhar.ie; gno@comhar.ie; leabhaircomhar@comhar.ie; comhartaighde@comhar.ie; portraidi@comhar.ie; clo@comhar.ie; leitheoiri@comhar.ie
Idirlíon: www.comhar.ie/iris; www.comhar.ie/leabhair; www.comhartaighde.ie; www.portraidi.ie; www.cló.ie; www.leitheoiri.ie

Cathaoirleach: Cathal Goan Feidhmeannach Bainistíochta & Gnó: Clare Coughlan Feidhmeannach Foilsitheoireachta: Jennifer Gorissen


Stiúrthóirí eile: An Dr Róisín Adams, An Dr Charles Dillon, An Dr Liam Mac Amhlaigh,
An Dr Katie Ní Loingsigh, Muireann Ní Mhóráin, Paula Ní Shlatarra, Uaitéar Ó Ciaruáin, Seán Ó Cuirreáin

Eagarthóir na hÍrise *Comhar*: Seán Tadhg Ó Gairbhí Eagarthóir Liteartha na hÍrise *Comhar*: Tristan Rosenstock
Eagarthóirí COMHAR*Taighde*: An Dr Caoimhín Mac Giolla Léith, An Dr Ríona Nic Congáil, An Dr Peadar Ó Muircheartaigh

Pacáiste Eolais

Comhordaitheoir Tionscadail

Samhradh 2022



Is mór ag COMHAR an tacaíocht airgid ó Foras na Gaeilge agus ón gComhairle Ealaíon

Comhordaitheoir Tionscadail *Léitheoirí na Gaeilge*

Samhradh 2022



Léitheoirí

Clár

- A. Sainchuntas an chúraim
- B. An cinéal iarrthóra atá uainn
- C. Ráiteas físe
- D. Comhthéacs

A. Sainchuntas an chúraim

Leis an bhforbairt leanúnach a bhaineann le COMHAR i réimsí éagsúla den fhoilsitheoireacht, ba mhaith leis an mBord Stiúrtha cúram mar **Chomhordaitheoir Tionscadail** a fhógairt; cúram a bhfuil baint shonrach aige leis an togra úr spleodrach ‘Léitheoirí na Gaeilge.’

Tionscadal úr píolótach is ea ‘**Léitheoirí na Gaeilge**’ le léitheoireacht na Gaeilge a chothú agus a fhorbairt. Lárphointe eolais a bheidh sa suíomh, léitheoirí.ie, ar a scaipfear eolas cothrom le dáta maidir le gach gné den léitheoireacht sa Ghaeilge. Gheofar air eolas faoi leabhair nuafhoilsithe agus gach saghas ábhar léitheoireachta ilmheán; clubanna leabhar; leabharlanna; siopaí leabhar; imeachtaí; suíomhanna gréasáin; ríomhleabhair; podchraoltaí; físeáin; agus neart eile. Anuas air sin ar fad, tá sé i gceist tús áite a thabhairt ar an suíomh do léirmheastóireacht na Gaeilge ar bhealaí éagsúla, le cabhair an phobail mhóir.

Is togra/tionscnamh náisiúnta, uile-oileánda, é ‘Léitheoirí na Gaeilge’ atá á thabhairt le chéile ag COMHAR i gcomhair leis an údarás maoinithe Foras na Gaeilge. Beidh an **Comhordaitheoir Tionscadail** ag plé go sonrach le riar an togra seo agus é á chur ar an saol sa dara leath den bhliain 2022.

Is é seo **réimse na ndualgaisí** a shamhlaítear leis an gcúram seo, mar Chomhordaitheoir Tionscadail:

1. Ailtireacht an tsuímh, www.léitheoirí.ie, a phleanáil agus a thabhairt i gcrích i gcomhairle leis an meitheal stiúrtha agus foireann theicniúil;
2. Na sainfheidhmeanna seo a bhaineann le léitheoirí.ie a fhorbairt:
 - a. An suíomh mar:
 - i. ardán eolais;
 - ii. ghléas catalógaithe leabhar;
 - b. Cothú na léirmheastóireachta; agus
 - c. Cóthú na léitheoireachta go ginearálta.
3. Tacú le riar na dtionscadal taighde idir lámha ag ‘Léitheoirí na Gaeilge’;
4. Plé le rannpháirtithe an togra, idir fhoilsitheoirí, siopaí leabhar, leabharlanna agus eile, agus a bheith ina lárphointe teagmhála don togra sa bhealach seo;
5. Tacú leis an nGrúpa Maoirseachta chun a ngnóthaí a chur i gcrích;
6. I gcomhairle leis an bh**Feidhmeannach Bainistíochta agus Ghnó**, plé a dhéanamh ar thuairisciú agus maoiniú an togra; agus
7. Tascanna eile a d'fhéadfadh teacht chun cinn le linn shaolré an tionscadail.

B. An cineál iarrthóra atá uainn

Riachtanach, tá:

- Spéis sa léitheoireacht i nGaeilge, i mBéarla agus/nó teangacha eile, agus i mbainistiú tionscadail;
- Spéis agus tuiscint ar litríocht agus ar fhoilsitheoireacht na Gaeilge;
- Ardchaighdeán teanga idir scríobh agus labhairt, na Gaeilge (TEG Meánleibhéal 2, B2 inmhianaithe), agus an Bhéarla;

- Cumas plé le baill foirne eile sa chuideachta agus páirtithe leasmhara;
- Cumas plé le níos mó ná togra amháin ag an am; a bheith in ann ilghníomhú go han-éifeachtach;
- Cumas obair neamhspleách a dhéanamh, cloí le sprioclínte agus spriocanna oibre a leagan síos, le torthaí ar ardchaighdeán a bhaint amach; agus
- Cumas tuairiscí a scríobh go soiléir agus go cuimsitheach.

Inmhianaithe tá:

- Cáilíocht tríú leibhéal i réimse ábhartha;
- Tuiscint ar réimsí spéiseanna léitheoirí na Gaeilge in Éirinn;
- Teagmhálacha, idir aitheanta agus phearsanta, le heagraíochtaí, oideachasóirí, eagarthóirí agus lucht déantúsaíochta leabhar;
- Taithí in obair na foilsitheoireachta, idir Ghaeilge agus/nó Bhéarla;
- Taithí riaracháin oifige; agus
- Taithí theicniúil ar chórais ríomhaireachta.

Is gá don iarrthóir:

- litir iarratais;
- CV; agus
- a ráiteas físe (aon-leathanaigh) don togra 'Léitheoirí na Gaeilge' (c.f www.leitheoiri.ie)

a sheoladh chuig

leitheoiri@comhar.ie

roimh

Dé Máirt 16 Lúnasa 2022 ar 5:00pm,

móide sonraí teagmhála bheirt mholtóirí. Déanfar gearrliosta ina dhiaidh sin. Tá sé i gceist iarrthóirí a chur faoi agallamh don chúram ar dhátá ar aon dul le **Luan 29 Lúnasa** (nó dáta cóngarach de, roimhe nó ina dhiaidh) i mBaile Átha Cliath.

C. Ráiteas físe

Is í an fhís atá ag Bord Stiúrtha COMHAR do *Comhar & Leabhair*COMHAR, agus tograí eile dá cuid:

- go mbeidh sí ina hiris agus ina hinphrionta foilsitheoireachta leabhar barr feabhais a bheidh mar chéad rogha ag scríbhneoirí, scoláirí, léirmheastóirí agus léitheoirí na Gaeilge;
- gur inti agus tríthí a fhoilseofar scoth na nua-litríochta cruthaithí as Gaeilge, mar is dual di ó bunaíodh an t-ainm i bhfoilsitheoireacht na Gaeilge mar iris an chéad uair sa bhliain 1942;
- go mbeidh *Comhar* ina príomhfhóram anailíse agus tráchttaireachta sa Ghaeilge ar imeachtaí an tsaoil in Éirinn agus i gcéin;
- go mbeidh sí ina príomhfhoilsitheoir náisiúnta na Gaeilge de leabhair litríochta, fhaisnéise, anailíse agus tráchttaireachta sa Ghaeilge ar imeachtaí an tsaoil in Éirinn agus i gcéin;
- go mbeidh sí ina hardán a chothóidh smaoinemh agus díospóireacht, saothíúlacht agus éigse na hÉireann i ngach réimse is suim do phobal léitheoirí atá ag iarraidh lón intinne; agus
- go ndéanfaidh sí freastal ar shuim na léitheoirí i ngnéithe eile den saol comhaimseartha.

D. Comhthéacs

Léitheoirí na Gaeilge

Tionscadal úr ilbhliantúil, píolótach is ea ‘Léitheoirí na Gaeilge’ a bhfuil sé mar sprioc aige léitheoireacht na Gaeilge a chothú; léirmheastóireacht na Gaeilge a fhorbairt; agus lárphointe feasachta a chur ar fáil do gach eolas faoin bhfáil atá ar ábhar léitheoireachta i nGaeilge don phobal mór.

Tá géarghá le deiseanna nua chun pobal na Gaeilge a chumasú i ngach gné den léitheoireacht: léitheoirí oilte a chur i mbun léirmheasa; léitheoirí úra a mhealladh agus a éascú, ábhar úr léitheoireachta a mheas agus a ghrádú; leabharlanna agus pobail scoile a nascadh leis an gcuid eile den phobal léitheoireachta; eolas na rannpháirtithe éagsúla a scaipeadh agus a mhalartú; agus cainéal nua cumarsáide a chruthú idir scríbhneoirí & foilsitheoirí agus a léitheoirí féin.

Gné lárnach den togra is ea an láithreán gréasáin úr leitheoiri.ie a bheidh ina lárphointe eolais, ar a scaipfear eolas cothrom le dáta maidir le gach gné den léitheoireacht sa Ghaeilge. Gheofar air eolas faoi leabhair nuafhoilsithe agus gach saghas ábhar léitheoireachta ilmheán; clubanna leabhar; leabharlanna; siopaí leabhar; imeachtaí; suíomhanna gréasáin; ríomhleabhair; podchraoltaí; físeáin; agus neart eile. Anuas air sin ar fad, tá sé i gceist tús áite a thabhairt ar an suíomh do léirmheastóireacht na Gaeilge ar bhealaí éagsúla, le cabhair an phobail mhóir.

COMHAR

Príomhfhoilsitheoir náisiúnta na Gaeilge is ea **COMHAR**, a fhoilsíonn iris mhíosúil liteartha na Gaeilge, *Comhar*; iris do léitheoirí iar-bhunscoile, **COMHARÓg**; iris acadúil phiarmheasta bhliantúil **COMHARTaighde**, a bhfuil inphrionta foilsitheoireachta leabhar, *Leabhair*COMHAR, á rith aici, a thugann stiúir don bhunachar/cartlann dhigiteach náisiúnta phortráidí, *Portráidí na Scríbhneoirí Gaeilge*, a thugann comhordú agus maoirseacht don inphrionta nua acadúil **Cló Léann na Gaeilge** (CLÓ), agus tograí foilsitheoireachta eile idir lámha i saol na Gaeilge. Tá COMHAR buíoch de Fhoras na Gaeilge, de Chlár na Leabhar Gaeilge, den Chomhairle um

Oideachas Gaeltachta agus Gaelscolaíochta, d'Acadamh Ríoga na hÉireann agus den Chomhairle Ealaíon as a dtacaíocht leanúnach sna tograí seo.

Ó bunaíodh í, bhí réim saoil fhada chluíteach ag COMHAR, agus a hiris *Comhar* ar cheann de na teidil is so-aitheanta agus is mó cáil i saol na Gaeilge san iriseoireacht. Ba dhúshraith agus ba chrann taca í *Comhar* do shaothrú agus do bhláthú na nualitríochta Gaeilge i gcaitheamh an ama sin. Is san iris a foilsíodh saothar le beagnach gach scríbhneoir Gaeilge a thuill clú sa tréimhse sin. Maidir le cúrsaí reatha, níor leasc riamh le *Comhar* labhairt amach go calma agus go neamhspleách maidir leis na ceistanna is mó a bhí i mbéal an phobail ag aon am ar leith.

Foras na Gaeilge

Faoi réir Chomhaontú Aoine an Chéasta bunaíodh An Foras Teanga, Comhlacht Forfheidhmithe Thuaidh/Theas, chun an Ghaeilge agus an Ultais a chur chun cinn. Faoi choimirce an chomhlachta sin, déanann Foras na Gaeilge na freagrachtaí go léir i dtaca leis an nGaeilge a chur i gcrích. I measc na bhfreagrachtaí sin tá labhairt agus scríobh na Gaeilge sa saol poiblí agus sa saol príobháideach i bPoblacht na hÉireann. Tá an fhreagracht chéanna ann i leith Thuaisceart Éireann, sa chás go mbíonn an t-éileamh cuí ann agus i gcomhthéacs Chuid III de Chairt Chomhairle na hEorpa um Theangacha Réigiúnacha nó Mionlaigh.